

**ՀՀ ԿԳՄՍՆ «ՄարտունուՆ Տ.
Աբրահամյանի անվան ավագ դպրոց» ՊՈԱԿ**



ԱՎԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ

Թեմա- Ուսուցչի համագործակցությունը սովորողների ծնողների կամ նրանց օգնական ներկայացուցիչների հետ՝ սովորողների կրթության կազմակերպման և ընտանեկան դաստիարակության հարցերում

Դպրոց- Չեդեայի հիմնական դպրոց

Ուսուցիչ- Թամարա Չիլինգարյան 2-րդ խումբ

Ղեկավար- Մենթոր ուսուցիչ՝ Կ.Օհանեսյան

ՎԱՅՔ 2023

1. Բովանդակություն

Ներածություն

Հետազոտական թեմայի արդիականությունը

Հետազոտության նպատակը

Հետազոտության ինդիքը

2. Գրականություն ակնարկ

Ուսուցչի համագործակցությունը սովորողի ծնողի հետ՝ որպես սովորողի առաջադիմության և զարգացման նախապայման:

Ծնողական ժողովների կարևորությունը սովորողների կրթության ու դաստիարակության համատեքստում:

3. Հետազոտության ընթացքը

4. Եզրակացություն

5. Ամփոփում(վերլուծություն)

6. Օգտագործված գրականության ցանկ

Ներածություն

Մեր ապրած ներկա ժամանակաշրջանը մեծագույն նպատակ ունի կոմպետենցիայով, այսինքն, կարողունակություններով օժտված հայ մարդու: Ձևավորված քաղաքացի, որը պետք է պատրաստ լինի դիմակայելու կյանքի բոլոր դժվարություններին ու փոփոխություններին, կարողանա դիմացինի հետ վերլուծի իրավիճակներ, փոխադարձ համագործակցությամբ մշակի և ծրագրի քայլեր հանուն ազգային գաղափարների և երկրի բարորության: Միմյանց հետ համագործակցումը բացառիկ դեր ունի սովորողի, վաղվա հայ քաղաքացու արժեքային համակարգի, նրա բարոյական նկարագրի ձևավորման ու առաջընթացի գործում:

Այս պարագայում մշակվում և ամրապնդվում է այն դիրքորոշումը, որ համագործակցումը կարևոր երաշխիք է սովորողի ողջ կյանքում: Հաղորդակցման և համագործակցության միջոցով բացահայտվում են ինքնուրույն դրսևորման հմտություններ: Դա ընդհանրապես կարևոր է գիտելիք ձեռք բերելու համար:

Նաև ձևավորվում է դիրքորոշում հայեցի ոգու, ազգային արմատների պահպանման և ամրապնդման համար: Այս նաև հնարավորություն է տալիս ընկալելու հայ մարդու արժեքային համակարգը, ավանդույթները, կենցաղը, նիստուկացը և այլն: Իմ կարծիքով համագործակցությամբ սովորում են սովորեցնելով, և այդ ընթացքում զարգանում են սովորողի քննադատարար մտածելու, երևակայությունն դրսևորելու, ստեղծարարության կարողությունները: Ուսումնասիրությունների ընթացքում պարզվում է, որ համագործակցությամբ, միմյանց հաղորդակցվելով ու աջակցելով՝ սովորողը ձեռք է բերում գիտելիք, որը կիրառվում է ամբողջ կյանքի ընթացքում:



Այստեղ է, որ սովորողը սովորում է ճիշտ հարաբերություններ ստեղծել, համագործակցել, մարդկանց հետ, ճիշտ հաղորդակցվել, ստեղծել նյութական և հոգևոր արժեքներ հանուն հայրենի պետականության, հանրության բարորության: Համագործակցության վերջնարդյունքում սովորողը կարողանում է, իմանում է և հասկանում այն, ինչ պահանջվում է իրենից: Համագործակցության մոտիվացիան այն է, որն ամրապնդում է սովորողի կապը իրական կյանքի ու նրա արժեքների հետ: Այստեղ է, որ զարգանում և պահպանվում է սովորողի հետաքրքրասիրությունը, հիացմունքը, առողջ ապրելակերպը, գիտակցված վարագիծը և այլն:

<<Սովորական ուսուցիչը պատմում է:
 Լավ ուսուցիչը բացատրում է:
 Բարձրակարգ ուսուցիչը ցույց է տալիս:
 Հանճարեղ ուսուցիչը ոգեշնչում է>>:

ՈՒ.Ուրդ.

Ուսումնական հաստատությունում կրթական ծրագրերը պետք է իրականացվեն ոչ միայն ուսուցչի կողմից:

Երեխան օրվա մեծ մասն անց է կացնում տանը, նրա անհատականությունը ձևավորվում է

ընտանիքում,բայց սա չի նվազեցնում դպրոցի կամ ուսուցչի դերը սովորողի կրթության և դաստիարակության գործում:

Ուրեմն՝ ուսումնառության գործընթացը իրականացվում է դպրոցի և ընտանիքի համագործակցությամբ:Ուսուցիչը և ծնողը պետք է աշխատեն համատեղ,անմնացորդ՝ նվիրված իրենց գործին՝ երեխաների ուսումնառությանը:

Սա պահանջված խնդիր է և ունի արդիական մեծ հնչեղություն:

Սա ոչ թե երկարատև,այլ շարունակական, անընդհատ գործընթաց է:

Ռուս նշանավոր մանկավարժ Սուխոմլինսկին ասել է.

<<Ընտանիքում արմատներ են զգվում,որոնցից հետո աճում են ճյուղեր,ծաղիկներ և պտուղներ:

Այդպես էլ դպրոցի մանկավարժական իմաստությունը և իմաստնությունը կառուցված է ընտանիքի բարոյական առողջության վրա>>:

Յետագոտական թեմայի արդիականությունը

Սույն թեմայի արդիականացման համար հիմք է հանդիսացել կյանքի մարտահրավերներով լի ժամանակակից շրջափուլում սովորողի կրթական կարիքների ապահովման շրջանակներում ծնող-ուսուցիչ հաստատուն կապի անհրաժեշտությունը,որը կարող է մեծապես ազդել սովորողի ուսումնառության որակի բարձրացման վրա:

Ուրեմն՝ առաջին պլան է մղվում ուսուցիչ-ծնող

փոխհամագործակցությունը,որը նպատակ ունի արմատախիլ անելու ուսումնառության մեջ վատ երևույթները,խորթը՝ անհրաժեշտ

նվազագույնը սերմանելու նպատակով,այնուհետև առավելագույնի հասնելու ակնկալումով:Սա է մեր բարձրագույն նպատակը:

Յետագոտության նպատակը

Կապ ստեղծել դպրոցի և սովորողի միջև, որը պետք է լինի անընդհատ: Ներգրավել ծնողին դպրոցական գործընթացին, դաստիարակչական աշխատանքներին, համադպրոցական, արտադասարանային միջոցառումներին, զեկուցումներին, հանդիպումներին, դասախոսություններին և այլն:

Միշտ ցույց տալ ծնող-ուսուցիչ արդյունավետ փոխգործակցությունը սովորողի կրթության և դաստիարակության գործընթացում: Բարենպաստ պայմաններ ստեղծել սովորողի կրթության և դաստիարակության համար: Ունենալ հարուստ նյութատեխնիկական բազա:

Յետագոտության խնդիրը

Ինչպ՞ես ներգրավել ծնողներին ուսումնադաստիարակչական գործընթացին:

Ինչպ՞ես ներգրավել ծնողներին իրենց երեխաների կրթության վերաբերյալ որոշումների կայացման գործին:

Ուսումնական համագործակցություն

Ծնողական զգացումները, անմիջական և ազատ վերաբերմունքը արագացնում են անձի զարգացումը:

Ընտանիքում շփումը տեղի է ունենում անընդհատ, որտեղ դրվում է անհատականության կարևորագույն գծերի դաստիարակությունը:

Սովորողը ստանում է աշխարհի մասին իր առաջին

տպավորությունները, պատկերացումները: Միայն ընտանիքում է

հնարավոր ստեղծել մշակույթ, սովորույթների պաշար, որը կնպաստի

երեխայի կրթության և դաստիարակության գործին: **Երեխայի կյանքի**

ողջամիտ կազմակերպումն սկսվում է ընտանիքում: Ընտանիքները շատ տարբեր են, յուրաքանչյուրն ունի իր խնդիրներն ու

դժվարությունները: Ուստի շատ բան է կախված ուսուցչի հմտությունից`

ճիշտ որոշումներ կայացնելու և ընտանիքի կապի պահպանման համար:

Երկկողմ կապի շնորհիվ կատեղծվի կրթական առողջ միջավայր, որտեղ սովորողն իրեն կզգա պաշտպանված, դա դրական ազդեցություն կունենա սովորողի առաջադիմության, արժեհամակարգի դրսևորման հաջողությունների և հաղթանակների համար:

Ուսուցիչը պետք է ծնողներին դիտի իբրև գործընկերների, անընդհատ համագործակցի նրանց հետ: Արդյունքում սովորողը միշտ կլինի ուշադրության կենտրոնում:

Մի խոսքով ծնող-ուսուցիչ կապը բանալի է ուսումնական գործընթացը ճիշտ կազմակերպելու համար: Հաճախակի պետք է լինեն հանդիպումներ, ժողովներ, խորհրդատվություններ հետաքրքրաշարժ միջոցառումներ, գրույցներ:



Ծնողական ժողովների կարևորությունը սովորողների կրթության գործում

Հաջողված է այն դասարանը, որի ղեկավարը հաճախակի հրավիրում է ծնողական ժողովներ, ներկայացնում է տեղեկություններ սովորողների առաջընթացի մասին, քննարկում սովորողների հետ կապված ցանկացած հիմնախնդիր, օժանդակում ընտանիքին մոտեցնելու դպրոցին: Մշակում է սովորողների դաստիարակության ձևերն ու մեթոդները: Օգտագործում են նաև ժամանակակից տեխնոլոգիաներ

որոնցով կհասնեն մեծ հաջողությունների: Շատ հաճախ ծնողի կամ ուսուցչի ոչ ճիշտ վարվելակերպը երեխաների մոտ բարդացնում է իրավիճակը: Դրանից խուսափելու համար ուսուցիչը շատ զգույշ պետք է խոսի, վարպետորեն ուշադրություն դարձնի իր խոսքին, նա է, որ մյուս ուսուցիչների աջակցությամբ կարող է բարձր արժանիքներ ձևավորել, լինել հանգիստ, բարեհամբույր, ծնողներին ներգրավել տնային պայմաններում ուսումնական պրոցեսի կազմակերպմանը,

նպաստավոր գործունեություն զարգացնել սովորողների բազմակողմանի դաստիարակության համար, կոնֆլիկտային հարցերը, վեճերը լուծելու առողջ մթնոլորտում:

Ի վերջո, ինչպես Սուխումի ինսպիրացիոն Է ասում.

<<Յուրաքանչյուր երեխայի մեջ կա լավը, և դաստիարակության գործընթացը պետք է կառուցել դրականի վրա հենվելու սկզբունքի հիման վրա>>: Կարծում եմ համոզիչ է սա, այո՛, այս դեպքում կունենանք առողջ մտածելակերպով և հարուստ գիտելիքներով զինված սերունդ:



3.3 Ետագոտության ընթացքը

Իմ աշխատանքային փորձը ցուց է տալիս ,որ ծնողները, եթե ավելի շատ են ներգրավվում ուսումնական գործընթացին, ամեն ինչ ավելի սահուն է ստացվում: Այն դպրոցը, որտեղ ես աշխատում եմ, աշակերտների թիվը քիչ է, որն ինչ-որ տեղ հեշտացնում է մեր համատեղ աշխատանքը: Ծնողները հաճախակի ինքնակամ այցելում են դպրոց, հետաքրքրվում են իրենց երեխաների առաջադիմության, նաև դժվարությունների մասին, ցանկություն են հայտնում միասին աշխատելու, դժվարությունները հաղթահարելու ուղիներ ձևավորելու համար: Դասախումբներ են անում, լսում իրենց երեխաների պատասխանները, դժվարանալու դեպքում համագործակցում են և ճիշտ լուծում տալիս:

Ց-րդ դասարանում ունեմ աշակերտուհի, որը լավ է պատմում, վերարտադրում դասը, ունի լավ տրամաբանություն, մաքուր ու ճիշտ լեզվամտածողություն, ստեղծագործական միտքը լավ է, սակայն լավ չի կարդում: Դա շատ էր անհանգստացնում և զարմացնում ինձ:

Լրացուցիչ ընթերցանություն էի հանձնարարում, ծնողի հետ միասին աշխատում էինք երեխայի հետ, ամեն ինչ շտկվեց ժամանակին: Հիմա նա շատ լավ է կարդում, կարդացածը վերլուծում, քննադատում և այլն: Անհատական աշխատանք եմ տանում իր հետ, և դա տալիս է իր դրական արդյունքը:

Ծնողի հետ աշխատանքը ինձ չափազանց օգնեց, և ես դրա համար շատ ուրախ եմ:

6-րդ դասարանում ունեմ մի աշակերտուհի, որն ամբողջ դասն անգիր է անում: Պարզապես չի կարդում, փորձում է հիշողությամբ անգիր անել դասը, դա կլինի արձակ, թե չափածո:

Հետաքրքիրն այն է, որ նոր նյութը, երբ ես հաղորդում եմ, լսում է, տպավորվում է և անգիր ասում: Այս բանը ինձ շատ անհանգստացրեց, երեխան պետք է առաջին հերթին լավ կարդալ սովորի: Ծնողի հետ աշխատեցինք: Տանը մայրը, դպրոցում ես զինվեցինք համբերությամբ:

Թեև դանդաղ, բայց արդյունավետ էր այդ պրոցեսը: Դասի բոլոր բառերը մեկ-մեկ կարդում էր, կապակցում խոսքը, և այդպես շարունակ: Գովելով, ձևավորող բնութագրելով, խրախուսելով հասանք արդյունքի: Ի դեպ կարողանում է կարդացածը գեղեցիկ պատմել:

Կազմակերպվող միջոցառումներին ակտիվորեն մասնակցում են ծնողները, օգնում, ոգևորվում իրենց երեխաների հետ: Միասին էքսկուրսիաներ ենք կազմակերպում, հաղորդակցվում են, շփվում, արժեհամակարգ է ձևավորվում, լինեն իրար օգնող, հանդուրժող, դժվարությունները միասին հաղթահարող: Մի խոսքով, կարող ենք ասել, որ դպրոց-ծնող-ուսուցիչ կապը ավելի ամուր է լինում տարատեսակ բնույթի միջոցառումներ կազմակերպելիս, արշավներ, մրցույթներ կազմակերպելիս, հանդիպումներ, զրույցներ անցկացնելիս և այլն: Այսինքն, ծնողը ոչ թե պետք է լինի պասիվ հանդիսատես, այլ պետք է դառնա ակտիվ մաս, երեխաների հետ արտասանի, պարի, նախապես մասնակցի փորձերին: Այդ դեպքում տիրում է ոգևորություն, ցնծություն, և յուրաքանչյուրը տվյալ գործի համար յուրովի պատասխանատվություն է կրում:


Շփման արդյունքում ավելի լավ են ճանաչում մեկմեկու՝ աշակերտը դասղեկին, դասղեկը ծնողին: Ես դա զգացել եմ կազմակերպված արշավների, ցերեկույթների ժամանակ:

Միմյանց հետ համագործակցում են, անկեղծանում, ավելի սիրալիր են դառնում և բարյացակամ:

Ծնողները, ուսուցիչները մի պահ տեղափոխվում են մանկություն, որն ամեն մեկի համար կյանքի <<ուսկե շրջան>> է համարվում: Եվ այդ ժամանակ է, որ մշակվում են նրանց մեջ այնպիսի արժեքներ, ինչպիսին են բարությունը, հանդուրժելը, մարդասիրությունը, հարգանքը և այլն:



Հատկապես խմբային աշխատանքները գրականության դասերին նպաստում են սովորող-սովորող, ուսուցիչ-սովորող կապի ամրապնդմանը: Բերենք մեկ դասի օրինակ; երբ խմբային աշխատանքն օգնում է համագործակցությանը, ուսուցիչ-սովորող, սովորող-սովորող կապի ամրապնդմանը: Այստեղ մենք օգտագործում ենք տարբեր մեթոդներ՝ "մտազրոհ", "ձևագնդիկ", "T-ձև արյունակ" և այլն: Շատ են օգնում նաև "սովորել սովորելով", "ինքնաճանաչողական և սոցիալական պրիզմա" և այլ մեթոդներ: Խմբային աշխատանքի ժամանակ սովորում են համատեղ, ճանաչում են իմացածի և չիմացածի սահմանները, ինքնակազմակերպվում են և ձևավորում ժամանակի արդյունավոր կառավարման հմտություն: Կարողանում են գնահատել սեփական և մյուսների գործունեությունը, ցուցաբերում են նախաձեռնություն, զգում են պատասխանատվություն և այլն:



Միմյանցից սովորելը, միմյանց համբերությամբ և ուշադիր լսելը նպաստում է նաև «սովորում են սովորելով» կարողունակության զարգացմանը: Աղյուսակների, քարտերի, պաստառների, նկարների օգտագործումը ևս կարևորում են խմբակային աշխատանքի գործունեությունը:

Դասի պլան

12.09.2023

Տևողությունը-45 րոպե

Դասարան- 8-րդ, Ձեռնայի հիմն. Դպրոց

Ուսուցիչ- Թ. Զիլինգարյան

Դասի տիպը- Նոր նյութի հաղորդման, ամրապնդման դաս

Դասի թեման-Յովհաննես Ծիրազի <<Թագադրում>> բանաստեղծությունը

Դասի նպատակը-ամրապնդել գիտելիքները հայ մեծանուն բանաստեղծի կյանքի և ստեղծագործական ուղու մասին: Ամրապնդել և զարգացնել սովորողի պատկերացումները բանաստեղծությունում պատկերված հայրենի բնության, հեղինակի զգացողության, նրա ապրումների, հույզերի և սիրո մասին:

Կիրառվող մեթոդները- <<մտազրոհ>>, <<ձևագնդիկ>>, <<պատկերասրահ>>, <<պրիզմա>>:

Դասարանի կահավորումը, դիրակտիկ նյութեր- Ծիրազի դիմանկարը, հայ անվանի նկարիչ Մ. Սարյանի կտավներից, համակարգիչ, քարտեր, նվագարկիչ, բանաստեղծությունների ժողովածուն և այլն:

Դասի ընթացքը (խթանման փուլ)- դասարանը, որ պարապում են, հենց մի խումբ է 3 հոգիանոց: Մեկին հանձնարարում են ներկայացնել կենսագրական տեղեկություններ, մյուսին՝ գաղափար մեծ գրողի ստեղծագործության մասին, վերջինս էլ ամփոփում է ստացած գիտելիքները:

Կիրառում-երգում են գարնան մասին երգեր,կարդում են կամ ասմունքում գարնան մասին բանաստեղծություններ,թղթի վրա նկարում են գարուն:

Կշռադատում-կարդում են դասը,վերլուծում,բանաստեղծությունից դուրս են գրում հատկանիշ արտահայտող բառեր,տրված բառերով կազմում են նախադասություններ:Դուրս են գրում հոմանիշներ,գրում դրանց հականիշները:

Այստեղ զգում են,որ այս բանաստեղծությունը մի իմաստասիրական խոհ է հավերժի ու կատարյալի մասին,զգում են նաև մարդկանց երջանկություն բերելու հավերժության գաղափարը:Գիտակցում են, որ դա բանաստեղծի անձնական հույզերի վերագրումն է համամարդկայինի, որը շատ կարևոր է, այսինքն՝ բանաստեղծի երջանկությունը պայմանավորված է ողջ մարդկության երջանկությամբ:

Վերջնարդյունք-սովորողը կարողանա արտահայտիչ,առոգականությամբ,հուզիչ և տպավորիչ ընթերցել,ապա անգիր ներկայացնել բանաստեղծությունը:Իմանա ստեղծագործության հիմնական գաղափարը,ուսումնասիրի բառապաշարը,առանձնացնի պատկերավոր արտահայտությունները,փորձի բանաստեղծության բովանդակությունը շարադրել արձակ:

Անդրադարձ-հարցեր և առաջադրանքներ

Տնային հանձնարարություն-դասը ընթերցել և վերլուծել,պատասխանել հարցերին:

Գնահատում-գնահատում են իրար,օգնում են ես,ուղղորդում,որպեսզի լինեն անաչառ,անկեղծ և արդարացի:

Մոտիվացիա-համագործակցություն

Մեկ ուրիշ դասի պլան

12.09.2023

Տևողությունը -45 րոպե

Դասարան- 7-րդ,2եղեայի հիմն. Դպրոց

Ուսուցիչ- Թ.Զիլինգարյան

Դասի տիպը- նոր նյութի հաղորդման դաս

Դասի թեման-Գոյական անուն

Դասի նպատակը-ամրապնդել գիտելիքները "գոյական" խոսքի մասի վերաբերյալ:

Չարգացնել սովորողի պատկերացումներն այն մասին ,որ շրջապատում
այն, ինչ տեսնում են, այն ինչ գոյություն ունի դրանք առարկաներ
են,ասինքն` գոյականներ են,պատկերացնել նյութական և վերացական
անձնանիշը և իրանիշը` ըստ հարցադրումների:

Կիրառվող վեթոնները- "Էքսկուրսիա պատկերասրահում","պրիզմա" և
այլն:

Դասարանի կահավորումը-դիդակտիկ,
նյութեր,նկարներ,քարտեր,պաստառներ

Դասի ընթացքը- խմբային աշխատանք է տրվում,1-ին
խումբ(3հոգի):Մեկին հանձնարարում են գրել 5 իրանիշ գոյական և
նրանցով կազմել նախադասություններ:2-րդ ին հանձնարարում են գրել 5
անձնանիշ գոյական և նրանցով կազմել բառակապակցություններ:

Կիրառում-սահմանում են գոյականը բերում օրինակներ,տրված
հատվածից դուրս են գրում գոյականը:

Կշռադատում- տրվում են գոյականներ,որոնցով կազմվում են
նախադասություններ,նրանցով կազմվում են այլ բառեր:Հասկանում են գոյ
բառի իմաստը,այն,որ կա,տեսնում ենք,շոշափում,զգում:

Վերջնադրույունը-սովորողը կարողանա սահմանել գոյական,իմանա ի՞նչ
հարցերի է պատասխանում,տարբերակի անձնանիշը և իրանիշը:

Անդրադարձ- հարցեր,առաջադրանքներ,վարժություններ:

Տնային հանձնարարություն- սովորել դասը,գրել 10 գոյական, նրանցով
կազմել նախադասություններ:

Գնահատում- գնահատում են մեկմեկու,փոխադարձ գնահատումը
համագործակցելու կարևորագույն միջոց է:

Մոտիվացիա- համագործակցում,աջակցում:

4.Եզրակացություն

Համագործակցությունը ստացված և հաջողակ է համարվում,եթե այն
դրական ազդեցություն է ունենում սովորողների կրթական
ուսումնառության և դաստիարակության վրա:

Ուսուցչի, ծնողի և սովորողի համագործակցությունը ուսումնառության կարևոր գործընթաց է, նաև բավականին պատասխանատու և ունի արդիական պահանջ: Համագործակցության հիմքում ընկած է սովորողների սովորելու իրավունքի իրականացումը: Այն, որ յուրաքանչյուր երեխա ունի սովորելու, կրթվելու իրավունք: Եվ որ այդ համագործակցությունը մարդկային բարձր որակների վրա է դրված: Հարկավոր և հնարավոր է հաճախակի ծնողական ժողովներ հրավիրել, որպեսզի մշտադիտարկվեն, քննարկվեն և ուշադրության կենտրոնում պահվեն կրթության շատ խնդիրներ և պահանջներ: Համագործակցողների մեջ պետք է լինի փոխադարձ հարգանք, հանդուրժողականություն, քանի որ նրանք աշխատում են դաստիարակված ու գիտակից անձնավորության ձևավորման համար: Ծնողները վստահ պետք է լինեն, որ իրենց երեխաների հետ գործ ունեն որակյալ, կիրթ ու հմուտ ուսուցիչներ ու մասնագետներ: Այսինքն՝ նրանց մեջ պետք է իշխի բարոյահոգեբանական ամուր կապ: Պետք է տիրի առողջ մթնոլորտ, հուսալիություն, արդրություն և օբյեկտիվություն: Կարծում եմ, որ համագործակցության կարգախոսը պետք է լինի «ճշ արգելքներին և խոչընդոտներին», օգտագործվեն հավասար հնարավորություններ և միջոցներ:

Ի վերջո ակնկալվող վերջնարդյունք ամուր համագործակցություն և փոխներգործություն դպրոցի-ուսուցչի-ծնողի և սովորողի միջև: Այստեղ կձևավորվի արժեքների համախումբ, որը նույնպես փոխարարձ կապի արդյունք է: Քանզի արժեհամակարգի ձևավորումը մեր մեծագույն խնդիրն է:

5. Ամփոփում

"Մեր երեխաները մեր ծերությունն են: Նրանց ճիշտ դաստիարակությունը մեր երջանիկ ծերությունն է: Ուրեմն՝ պետք է կարողանանք ճիշտ դաստիարակչական միջոցներով ու ձևերով դաստիարակել ու կրթել մեր երկրի համար ապագա կերտողներ":

Ա.Ս.Մակարենկո

Մենք՝ ուսուցիչներս և ծնողները ունենք ընդհանուր նպատակ, և առանց համագործակցության երեխայի կյանքը լիարժեք չէ և հանգիստ: Դպրոցը, ուսուցիչը երեխային տալիս են գիտելիքներ և դաստիարակում ազգային գաղափարներով և արժեքներով: Ընտանիքն էլ իր հերթին ապահովում է իր աջակցությունը, օժանդակությունն այդ մեծ ու կարևոր գործընթացին՝ ուսումնառությանը:

Ընտանիքի և դպրոցի համագործակցումը գնահատելով՝ ավելի արդիական և պահանջված է դառնում:

Չնայած մեր ժողովրդի, մեր ծնողների ծանր սոցիալ-հոգեբանական պայմաններին, մեր սովորողների ծնողները բացառիկ դեր են խաղում երեխաների կյանքում, նրանք են կրում դրա զարգացման հիմնական պատասխանատվությունը: Ընտանիքը պետք է լինի համախումբ, համերաշխ և գործի դպրոցի հետ համատեղ: Դպրոցը, մենք՝ մանկավարժներս, ինչպես նաև ծնողները պետք է դառնան գիտության, կրթության շտեմարան ուսուցիչների, ծնողների, սովորողների համար: Եվ այդ շտեմարանը պետք է անընդհատ լցնել ու լցնել: Թեև բոլորս էլ գիտենք այս աշխատանքի դժվարությունները, սակայն պետք է անհնարինը դարձնել հնարավոր: Ուստի կարևոր և առաջնային պահանջ է ուսուցիչ-սովորող-ծնող համագործակցությունը սովորողների կրթության համակերպման և ընտանեկան դաստիարակության հարցերում: Ես երդվում եմ, որ կլինեմ այդ կարևոր գործի նվիրյալը և կանեմ ամեն ինչ երեխաների կրթության ու դաստիարակության համար:

Ռուս անվանի մանկավարժ Մակարենկոյի հրաշալի խոսքերը ինձ պարտավորեցնում են և ներշնչում.

-Երեխայի ուղեոր նման է վարդի, իսկ նրա ծայրերը վարդի թերթերի, որոնց այնքան նրբորեն և զգույշ պետք է մոտևալ, որ չվնասվեն:

Սա շատ հնարամտություն է պահանջում մեզանից, որովհետև վնասվելուց հետո չգիտես ինչ կկատարվի:

Այո՛, եկեք ունենանք վարդի նման առողջ ու թարմ ուղեղով երեխաներ, որոնցից է կախված մեր հայրենիքի վաղվա օրը, մեր լուսավոր ու պայծառ ապագան: Եվ վերջում ուզում եմ մի քանի տող նվիրել իմ սաներին:

Սիրում եմ Ձեզ, մեր աշխարհի առողջ,աշխույժ սանիկներ: Դուք նման եք քնքուշ ծաղկի,ուներք ժպտուն աչիկներ,Դուք մեր կյանքի վառ պարտեզի ծաղիկներն եք ու վարդեր,Մեր Հայաստան մեծ աշխարհի մանուշակներ ու զարդեր...



6.Օգտագործված գրականության ցանկ

- 1."Մանկավարժություն" 2006,2008
- 2.Համակարգչային տեղեկատվություն
- 3.Ռուս անվանի մանկավարժներ՝ Ուշինսկու,Մակարենկոյի և Սուխոմլինսկու ուսումնասիրություններից,"Մանկավարժություն":
- 4."Նախաշավիղ" 2001,2002,2003:
- 5.Սեմյոնով,"Մանկավարժություն":
- 6.Իմ սեփական դիտարկումները:

